



**Komisija za izbor i praćenje rada Agencije za prevenciju korupcije i koordinaciju
borbe protiv korupcije**

Broj: 01,02-50-1-910-5/10

Sarajevo, 11. 1. 2011.

ZAPISNIK

**5. sjednice Komisije za izbor i praćenje rada Agencije za prevenciju korupcije i
koordinaciju borbe protiv korupcije**

Sjednica je održana 11. 1. 2011., s početkom u 12 sati.

Sjednicom je predsjedavao Milorad Živković, predsjedavajući Komisije.

Sjednici su prisustvovali članovi Komisije: Sulejman Tihić, Ilija Filipović, Mirsad Abazović, Niko Lozančić, Beriz Belkić, Dušanka Majkić i Milorad Vulić.

Osim članova Komisije, sjednici su prisustvovali: Alma Salkić-Mijić, Željko Grubešić i Željko Kosmajac iz Sekretarijata PSBiH.

Sjednicu su pratili Zoran Brkić iz Sektora za odnose s javnošću Sekretarijata Parlamentarne skupštine BiH i Adnan Habul iz Misije OSCE-a u BiH.

Predsjedavajući je konstatirao da postoji kvorum za rad Komisije.

Prije nego što se prešlo na utvrđivanje dnevnog reda sjednice, predsjedavajući Komisije dao je uvodne napomene.

Komisija je jednoglasno usvojila sljedeći

DNEVNI RED

1. Usvajanje Zapisnika 4. sjednice Komisije
2. Utvrđivanje rang-liste
3. Tekuća pitanja.

Ad. 1. Usvajanje Zapisnika 4. sjednice Komisije

Zapisnik 4. sjednice Komisije usvojen je jednoglasno, bez primjedbi.

Ad. 2. Utvrđivanje rang-liste

Predsjedavajući Komisije iznio je uvodne napomene u vezi s ovom tačkom dnevnog reda. Podsjetio je članove da u skladu s članom 18. stav (1) a), a u vezi s članom 16. Zakona o Agenciji za prevenciju korupcije i koordinaciju borbe protiv korupcije, te u skladu s članom 17. st. (1) i (2) Poslovnika o radu Komisije, Komisija treba da utvrdi prijedlog rang-liste kandidata za imenovanje direktora i dva zamjenika direktora Agencije za prevenciju korupcije i koordinaciju borbe protiv korupcije, koji se dostavlja Predstavničkom domu i Domu naroda na daljnji postupak. Naglasio je da su nakon obavljenog intervjua svi članovi Komisije pojedinačno bodovali svakog kandidata, na usvojenom tipskom obrascu. Broj bodova svakog kandidata predstavlja zbir bodova članova Komisije. Radna grupa Sekretarijata pripremila je prijedlog rang-liste s ukupnim brojem bodova za svakog kandidata.

Nakon toga, Komisija je jednoglasno usvojila Izvještaj u kojem je sadržan prijedlog rang-liste kandidata za imenovanje direktora i dva zamjenika direktora Agencije za prevenciju korupcije i koordinaciju borbe protiv korupcije i dostavlja ga Predstavničkom domu i Domu naroda na daljnji postupak.

Ad. 3. Tekuća pitanja

Predsjedavajući Komisije upoznao je članove da je radna grupa Sekretarijata pripremila Prijedlog odluke o utvrđivanju visine naknade za rad i ostalim materijalnim troškovima predstavniku akademske zajednice i nevladinog sektora u Komisiji za izbor i praćenje rada Agencije za prevenciju korupcije i koordinaciju borbe protiv korupcije, koji ova komisija treba da uputi Zajedničkoj komisiji za administrativne poslove Parlamentarne skupštine BiH na usvajanje.

Komisija je jednoglasno usvojila Prijedlog odluke.

Također, Komisija je usvojila prijedlog predsjedavajućeg da se, zbog profesionalnog i korektnog rada članova Radne grupe, zatraži od Kolegija Sekretarijata da u skladu sa zakonom i podzakonskim aktima pronađu način da nagrade članove ove radne grupe.

Sjednica je završena u 12.30 sati.

Zapisnik sastavila
Alma Salkić-Mijić

Predsjedavajući Komisije
Milorad Živković